



JAMHURI YA MUUNGANO WA TANZANIA
WIZARA YA ELIMU, SAYANSI NA TEKNOLOJIA
MAMLAKA YA ELIMU NA MAFUNZO YA UFUNDI STADI
VETA-LUSHOTO DVTC



REF. NO.

Tarehe: 23/10/2024

YAH: KUCHAGULIWA KUJIUNGA NA MAFUNZO YA UFUNDI STADI CHUO
CHA UFUNDI STADI LUSHOTO - 2025 - (LEVEL I)

1. UTANGULIZI

Uongozi wa chuo na jumuiya yote ya Chuo cha Ufundi Stadi VETA LUSHOTO DVTC, unakupongeza na kukufahamisha kuwa umechaguliwa kujiunga na Chuo cha ufundi stadi VETA LUSHOTO, katika fani ya ambapo utaishi(KUTWA/BWENI). Nafasi hii ni adimu Sana, hata hivyo wewe umekuwa miongoni mwa vijana wachache waliobahatika kupata nafasi miongoni mwa wengi walioomba. Ni matumaini yetu kuwa utaitumia vema nafasi hii, katika kipindi chako cha mafunzo ili uweze kujijengea maarifa, stadi na mwelekeo wa kutosha kukidhi mahitaji ya kuwa fundi stadi wa sasa na baadae.

Mafunzo ya ufundi stadi yameandaliwa kwa lengo la kuwajengea umahiri, kitaaluma, na katika stadi za kazi katika misingi ya kwenda kuajiriwa au kujiajiri baada ya kuhitimu.

2. MAHALI CHUO KILIPO NA JINSI YA KUFIKA CHUONI

a) Mahali chuo kilipo

Chuo cha ufundi stadi VETA LUSHOTO, kipo Mkoa wa TANGA, Wilaya ya LUSHOTO katika Tarafa ya MLOLA, kata ya MLOLA kijiji cha LWANDAI katika kitongoji cha MBULA B. Kilometa 50 kutoka Makao Makuu ya Wilaya ya Lushoto.

b) Jinsi ya kufika chuoni

Ukifika Lushoto mjini panda magari ya kwenda MLOLA na utashukia Stendi ya Mlola hapo utaulizia chuo cha veta kilipo na utaelekezwa au kuletwa.

c) Hali ya hewa na mazingira ya chuo.

Mazingira na hali ya hewa Chuoni ni ya baridi kiasi, na joto kidogo. Kwa hali hii wanachuo wanalazimiki kubeba nguo za kujikinga na baridi wajapo chuoni. Pia mwanafunzi hapaswi kuja na nguo nyingi ambazo sio sare (zisizidi mbili), nguo za kubana (skin tight) haziruhusiwi kabisa.

3. MAELEKEZO KWA AJILI YA USAJILI

- I. Chuo kitafunguliwa tarehe **13/01/2025**, Mafunzo yatachukua muda miaka miwili kwa (level II) na miaka mitatu kwa atakayesoma hadi (level III). Mwisho wa kuripoti chuoni ni tarehe **27/01/2025**.
- II. Ili uweze kusajiliwa unatakiwa uje na nakala ya cheti cha kuzaliwa na nakala za vyeti vyako vya kitaaluma, Pamoja, Pesa ya Bima ya Afya **50,400/=** na barua hii.
- III. Unatakiwa uje na cheti cha Daktari wa hospitali inayotambuliwa na Serikali kuthibitisha kuwa una afya njema ya kumudu mafunzo katika fani uliyopangiwa. (Fomu ya vipimo imeambatanishwa).
- IV. Unatakiwa ufike na picha tatu za pasipoti (Passport size)
- V. Unatakiwa kuthibitisha wewe pamoja na Mzazi/Mlezi/Mdhamini wako kwamba unakubali nafasi ya mafunzo katika fani uliyo pangiwa.
- VI. Mwanachuo hatapokelewa Chuoni iwapo atafika bila kutekeleza vipengele II-V vilivyotajwa hapo juu.

4. ADA

Ada ya mafunzo ni **Tshs. 120,000/=** kwa Mwanafunzi wa **BWENI** au **Tshs. 60,000/=** kwa Mwanafunzi wa **KUTWA** kwa mwaka. Ada hii inaweza kulipwa mara moja au kwa awamu kulingana na muhula wa masomo. Malipo haya yafanyike kwa kutumia namba ya malipo ya Serikali (control number) ambayo utaipata chuoni. Malipo yanaweza kufanywa kupitia Mawakala wa mitandao ya simu au benki yoyote.

Baada ya malipo uje na nakala ya malipo (Pay Slip) yenye majina yako kamili wakati wa kuripoti chuoni.

N.B



Malipo yote yafanyike kwa kutumia **CONTROL NUMBER** uliyopewa Chuoni **ISIPOKUWA** Tsh **50,400/=** ya Bima ya Afya utajulishwa utaratibu wa kulipa siku ya kuripoti.

ZINGATIA, Ada na malipo mengineyo yote ya muhula wa kwanza yaliyoainishwa hapo chini yanalipwa kwa pamoja kwa kutumia **control number uliyopewa** na si vinginevyo.

5. SARE YA CHUO KWA WAVULANA NA WASICHANA

- i. Suruali mbili za dark bluu.
- ii. Mashati mawili meupe (Mikono mifupi aina ya tomato) ya tetron,
- iii. Jozi ya viatu vya ngozi vyeusi vyenye kamba utapaswa kuvinunua mwenyewe.
- iv. Ovaroli la rangi ya Dark blue
- v. Kofia Ngumu
- vi. Viatu vya Usalama (safety boot)
- vii. Fulana yenye nembo ya Chuo.

HATA HIVYO, Suruali, Ovaroli, sweta na tisheti utapatiwa chuoni baada ya kulipia.

Kwa wanafunzi wa fani ya umeme wa majumbani, Teknolojia ya habari na mawasiliano (ICT) wanunue **safety boot rangi nyeusi** rangi nyeusi  Ujenzi/Uashi watalazimika kununua **Rain boot** rangi nyeusi 

Kwa fani ya ushonaji wanatakiwa kununua viatu vya Kamba **Rangi nyeusi.**

6. MAVAZI/ SARE YA MICHEZO

- i. Truck suit ya rangi bluu, na Tshirt yenye nembo ya VETA inapatikana chuoni
- ii. Raba rangi yoyote.

7. MAHITAJI KWA AJILI YA TAALUMA

- i. Mwanafunzi anahitajika kuja na madaftari makubwa (10) kumi (Counter book Q2)
- ii. Set ya vifaa vya kuchorea (mathematical set- Nataraj)
- iii. Rimu moja ya karatasi nyeupe A4

8. MAHITAJI KWA AJILI YA MALAZI NA CHAKULA

- i. Wanachuo wa bweni wafike na mto, shuka mbili za rangi ya bluu au pink/blanketi zito, chandarua, bakuli, sahani, kikombe na kijiko, pamoja na ndoo mbili kwaajili ya kuogea na kutunzia maji ya kunywa.

9. MAHITAJI KWA AJILI YA USAFI WA MAZINGIRA

Mwanafunzi natakiwa kuja na vitu vifuatavyo: -

- i. Jembe (Kwa fani ya umeme wa majumbani, Teknolojia ya Habari na mawasiliano (ICT)
- ii. Fyekeo (kwa fani zote)
- iii. Sululu (kwa fani ya Uashi/Ujenzi)

10. MAELEKEZO YA ZIADA

1. Ada ikishalipwa haitarudishwa.
2. Unatakiwa kufuata sheria na taratibu zote za Chuo kama zilivyo ambatanishwa kwenye barua hii.
3. Nafasi yako kama mwanachuo itapotea endapo utashindwa kuripoti Chuoni wiki mbili baada ya tarehe ya kufungua chuo.
4. Utatakiwa kuzingatia vipindi vyote vya masomo vikiwemo vya nadharia na vitendo. Uongozi wa chuo unaweza kuchukua uhamuzi wa kukusimamisha kuendelea na mafunzo ndani ya kipindi cha miezi mitatu ya mwanzo, iwapo itathibitika kuwa uwezo wako kimasomo ni mdogo.
5. Wazazi/ Walezi watunze kumbukumbu za malipo ya ada na mahitaji mengine Risiti za malipo hayo na kuziwasilisha (au kumkabidhi Mwanafunzi husika aziwasilishe chuoni siku ya kuripoti chuoni).
6. Muda wa kuripoti chuoni ni siku za kazi Jumatatu hadi Ijumaa kuanzia saa 1:30 asubuhi hadi saa 9:30 alasiri.

JEDWALI LA MCHANGANUO WA MALIPO KWA FANI ZA ZOTE

A. ADA YA MAFUNZO NA MTIHANI WA TAIFA KWA MWAKA WA KWANZA

NA	MAHITAJI	KWA WANAFUNZI WA KUTWA (DAY)		KWA WANAFUNZI WA BWENI (BOARDING)		MAELEKEZO
		MUHULA WA I	MUHULA WA II	MUHULA WA I	MUHULA WA II	
1.	Ada ya mafunzo	30,000	30,000	60,000	60,000	Pata control namba Kutoka chuoni
2.	Ada ya mtihani wa Taifa		25,000		25,000	
Jumla ndogo ya ada ya Mafunzo na Mtihani wa Taifa		30,000	55,000	60,000	85,000	
JUMLA KUU		85,000		140,000		
B. MICHANGO MINGINE						
3.	Nembo ya VETA	10,000	-	10,000	-	Njoo na pesa taslim(Cash)
4.	Kitambulisho	10,000	-	10,000	-	
5.	Fedha ya Tahadhari (caution money)	20,000	-	20,000	-	
6.	Mchango wa mahafali	10,000	-	10,000	-	
7.	Sare za shule (Suruali mbili)	50,000	-	50,000	-	
8.	Overcoat/overall	30,000	-	30,000	-	
9.	Sweta Dark Bluu	25,000	-	25,000	-	
10.	Michezo	20,000	-	10,000	-	
11.	T-shirt	20,000	-	20,000	-	
12.	Picha (Passport size)	3,000	-	3,000	-	
13.	Jumla Ndogo ya michango mingine	198,000/=		198,000/=		
C. BIMA YA AFYA YA NHIF						
14.	Bima ya afya	50,400				Control namba utapewa na NHIF chuoni
JUMLA YA MALIPO YOTE KWA MWAKA WA KWANZA			333,400	388,400		

Malipo hayo yanalipwa kwa Control namba utakayopewa Chuoni na si vinginevyo.

KARIBU CHUO CHA VETA- LUSHOTO

.....
YAHAYA J. BORI
K/MKUU WA CHUO

MAMLAKA YA ELIMU NA MAFUNZO YA UFUNDI STADI

CHUO CHA UFUNDI STADI VETA LUSHOTO

TARATIBU NA SHERIA ZA CHUO KWA WANAFUNZI

Katika kipindi chote mwanafunzi awapo chuoni atatakiwa kuzingatia sheria na taratibu zifuatazo.

MUHIMU

- (a) Kila mwanafunzi anapaswa kuwa katika eneo la chuo kabla au ifikapo saa 1.30 asubuhi.
- (b) Mwanafunzi hataruhusiwa kutoka nje ya chuo kwa sababu yoyote ile bila ruhusa ya Mwalimu wa zamu.
- (c) Ruhusa ya kumlazimu mwanafunzi kulala nje ya chuo, ipitishwe, kwa mwalimu mlezi (Matron /Warden) na Mwalimu wa zamu kabla ya kufikishwa kwa Msajili.
- (d) Mwanafunzi apatapo matatizo ya msiba, kuuguliwa au kuugua mwenyewe ni lazima habari zifike chuoni za kutoa taarifa hiyo bila kufanya hivyo ni kosa.
- (e) Mahudhurio chini ya 85% yatamsababishia mwanafunzi kukosa cheti cha kumaliza mafunzo (leaving certificate).

1. MAVAZI

- a) Sare ya chuo kwa wanafunzi wote ni suruali ya bluu 'dark blue' na shati jeupe la mikono mifupi au nusu kanzu kwa wasichana na sweta la 'dark blue' (Kwa majira ya baridi).
- b) Vazi la ovaroli/Ovacoti kwa fani zote livaliwe wakati wa vipindi vya kazi za mikono/vitendo.
- c) Viatu vyeusi vya ngozi vinavyofunika miguu na soksi nyeupe kwa wasichana na nyeusi kwa wavulana ndivyo vinaruhusiwa kuvaliwa wakati wa mafunzo ya darasani pia mwanafunzi atatakiwa kuvaa viatu vya usalama (**Safety Boots**) wakati wa mafunzo ya vitendo. Viatu vyenye visigino virefu, kandambili (sandles) na raba haviruhusiwi wakati wa masomo.
- d) Fulana (T-Shirts) maalum za chuo zitavaliwa siku ya **JUMATANO NA IJUMAA TU**.
- e) Mavazi binafsi yawe ni ya HESHIMA. Nguo za kubana na zinazoonyesha maumbile, nguo fupi, kata mikono, vitopu, bukta na zingine zifananazo na hizo haziruhusiwi.

2. USAFI WA MWILI

- a) Hairuhusiwi kuvaa hereni, pete, bangili na mapambo ya aina yoyote kwa kipindi chote mwanafunzi awapo chuoni.
- b) Hairuhusiwi kutumia vipodozi au manukato yanayotoa harufu kali
- c) **Nywele kwa wavulana**
 - i Zikatwe ziwe fupi na mitindo kama PANKY, AMERICAN BASE NA KIPARA hairuhusiwi kabisa.
 - ii Ndevu haziruhusiwi.

d) Nywele kwa wasichana

- i Zikatwe ziwe fupi au zisukwe kwa mstari (twende kilioni)

NB: Nywele ndefu na nywele zenye kupakwa madawa kama vile carl, raster na golden hair haziruhusiwi kabisa kwa kipindi chote cha mafunzo.

3. WIZI

- (a) Wizi au vitendo vyovyote vinavyo husishwa na wizi haviruhusiwi, endapo itathibitika kuwa mwanafunzi ameiba au kuhusishwa katika tukio lolote la wizi adhabu yake ni kufukuzwa chuo.
- (b) Ukipoteza vifaa vya Chuo utatakiwa kulipa au kufidia gharama kamili ya kifaa kilichopotea ndani ya siku kumi na nne.
- (c) Hairuhusiwi mwanafunzi kuingia na kifaa chochote kile kinachofanana na vile vilivyoko ndani ya karakana za chuo.
- (d) Mwanafunzi atapekuliwa wakati wa kutoka karakana na wakati wa kutoka getini

4. UGOMVI

Ugomvi, kupigana au kushambuliana ni makosa ya jinai. Mwanachuo atakayepatikana akijihusisha na vitendo vya nanma hiyo atafukuzwa Chuo na kukabidhiwa kwenye vyombo vya vya mamlaka za kisheria.

5. ULEVI:

Iwapo itathibitika kuwa Mwanafunzi analewa, au kuonekana katika sehemu za vileo, anavuta bangi au madawa ya kulevya adhabu yake ni kufukuzwa Chuo mara moja.

6. MAPENZI

- i. Uhusiano wa kimapenzi Chuoni kati ya Mwanafunzi na mwanafunzi au kati ya mfanyakazi na mwanafunzi hauruhusiwi kabisa.
- ii. Mwanachuo akipata mimba hataruhusiwa kuendelea na masomo.

7. MIGOMO:

Migomo au kuchochea migomo ni kosa kwa mujibu wa taratibu na sheria za chuo hiki. Mwanachuo atakayeshawishi, kusababisha au kushiriki migomo atafukuzwa Chuo.

8. LUGHA

Lugha inayotumika kuendeshea masomo ni Kiingereza na Kiswahili hivyo ni wajibu wa kila Mwanafunzi kuzifahamu lugha hizo.

9. KUBADILI JINA

Mwanafunzi hataruhusiwa kubadili Jina isipokuwa pale itakapothibitika kuwa ni lazima kufanya hivyo, kwa uthibitisho wa kisheria.

10. BWALONI.

Ni marufuku mwanafunzi kuingia bwaloni na pensi,vesti(singilendi),sendle, kandambili au kiatu kisichofunika miguu. Atakayehusika na kosa hili, adhabu kali itatolewa pamoja na kunyang'anywa sendle, kanda mbili au kiatu.

ONGEZEKO LA SHERIA KWA WANACHUO WA BWENI:

Wanachuo wa bweni wataamka saa kumi na mbili asubuhi na kufanya usafi wa mazingira wanayoishi.

11. Mwanachuo yeyote anayeruhusiwa kutoka nje ya eneo la chuo anapaswa kuvaa sare ya Chuo yenye nembo ya VETA. Mwanafunzi atakayeonekana nje ya maeneo ya Chuo bila kuvaa sare yenye nembo ya VETA atachukuliwa hatua kali za kinidhamu ikiwa ni pamoja na kunyang'anywa nafasi ya kulala bwenini au kufukuzwa chuoni.

12. Mwanachuo atakayepatikana na kosa la kulala au kuwa nje ya Chuo bila kibali atafukuzwa chuo.

13. Hairuhusiwi kulala au kuwa ndani ya bweni wakati wa parade asubuhi au wakati wote wa masomo. Ukikutwa bwenini kwa muda huo bila kuwa na kibali adhabu kali itatolewa ikiwa ni pamoja na kunyang'anywa nafasi ya bweni.

14. Hairuhusiwi kupika wala kupeleka chakula bwenini, endapo kuna mgonjwa ruhusa itatolewa na Mwalimu wa zamu/mlezi wa bweni. Atakayekiuka sheria hii atachukuliwa hatua za kinidhamu.

15. (a) Ni marufuku wanachuo wa kiume na wakike kutembeleana mabwenini.

(b) Hairuhusiwi KABISA kwa mwanachuo kuingia katika eneo wanapoishi wafanyakazi wa Chuo bila ya ruhusa.

16. Mwanafunzi haruhusiwi kumkaribisha au kumlaza mgeni bwenini.

(a) Wanachuo wanaruhusiwa kutembelewa na ndugu zao

17. Vyumba/Madarasa na vifaa vingine vitumiwe kwa kadiri ya matumizi yaliyokusudiwa. Hairuhusiwi kuchora au kuandika kwenye kuta za majengo ya Chuo.

18. Ruhusa ya kulala nje ya mipaka ya Chuo itatolewa na ofisi ya Mkuu wa Chuo.

19. Ruhusa

Ruhusa ya kutoka nje ya chuo kwa mwanafunzi/wanafunzi itatolewa mara mbili kwa mwezi baada ya vipindi vya darasani kuisha **akiwa amevaa sare ya chuo au T-shirt ya chuo**, ambayo ni siku ya **ALHAMISI** ya wiki ya pili katika mwezi na **ALHAMISI** ya wiki ya mwisho katika Mwezi. Muda wa kuingia chuoni baada ya ruhusa ni saa **11:45** jioni. Mwanafunzi atakae ingia chuoni baada ya chuo muda atapewa adhabu kali.

NB: Mwanafunzi atapewa ruhusa siku yoyote iwapo itatokea dharura kama vile **KUUGUA**, pia mwanafunzi aje na uthibitisho/ kibali chenye muhuri wa daktari baada ya matibabu.

**VOCATIONAL EDUCATION AND TRAINING AUTHORITY
LUSHOTO DISTRICT VOCATIONAL TRAINING CENTER (LUSHOTO DVTC)**

REQUEST FOR MEDICAL EXAMINATION

Admission to LUSHOTO DVTC is conditional upon receipt of satisfactory medical report. The practitioner to whom this form is presented is requested to examine the candidate to his/her fitness to undergo training and subsequently work as a/an..... (Trade)

The Medical Officer

.....
.....
.....
.....

Please examine (Candidate's name)

- (i) Eyesight.....
- (ii) Hearing.....
- (iii) Height.....
- (iv) Allergies.....
- (v) Weight.....
- (vi) Asthma.....
- (vii) Epilepsy.....
- (viii) Other serious diseases.....

MEDICAL CERTIFICATE

I have examined the above named and consider that/she is physically fit/unfit for training as above.

TITLE.....SIGNATURE.....

Official Stamp..... Date.....

Weka picha
yako hapa
(Mwanafunzi)

TAARIFA YA MWANACHUO (PERSONAL PARTICULARS)

SEHEMU (A)

Ijazwe na mwanafunzi (tumia herufi kubwa)

1. Jina la ukoo Bw. /Bibi/Bi.....
2. Majina mengine.....
3. Mahali ulipozaliwa (Wilaya).....Mji/Kijiji.....
4. Kiwango cha elimu.....
4. Tarehe na mwaka wa kuzaliwa.....
5. Hali ya ndoa..... (umeoa/umeolewa)
6. Anuani ya makazi ya kudumu.....
7. Jina la mzazi/mlezi.....
8. Anuani ya mzazi/mlezi.....
9. Namabari ya simu ya mzazi/mlezi.....

Uthibitisho

Mimi Nathibitisha kwamba, ninaikubali nafasi hii, na kwamba taarifa nilizotoa hapo juu ni sahihi na za kweli.

Sahihi..... Tarehe.....

SEHEMU (B)

Ijazwe na Mzazi/Mlezi/Mdhamini

Mimi S.L.P.

Simu ya mkononi.....

Ninathibitisha kuwa nina mdhamini mtajwa hapo juu na nitamlipia gharama zote za Mafunzo (ada) n.k. pamoja na nauli wakati wote wa kwenda Chuoni na kurudi nyumbani kwa likizo na baada ya mafunzo.

Tarehe..... Sahihi.....

Uhusiano.....